



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: A-238/17
Sarajevo, 18.08.2017. godine

Na osnovu člana 69. stav 2, tačka d) i člana 70. stav 4. Zakona o javnim nabavkama Bosne i Hercegovine („Službeni glasnik BiH“, broj: 39/14) i člana 34. Pravilnika o javnim nabavkama Tužilaštva/Tužiteljstva BiH broj: A-97/17 od 25.05.2017. godine v.d. glavnog tužioca Tužilaštva/Tužiteljstva BiH d o n o s i

ODLUKU O
PONIŠTENJU POSTUPKA JAVNE NABAVKE

I

Poništava se postupak javne nabavke - konkurentski zahtjev za dostavljanje ponuda za nabavku usluga osiguranja motornih vozila za potrebe Tužilaštva BiH, broj: A-238/17 od 21.06.2017. godine koji je objavljen na portalu javnih nabavki dana 22.06.2017.godine, Obavještenje o nabavci broj: 435-7-2-499-3-3/17, kao i svi doneseni akti ugovornog organa Tužilaštva/Tužiteljstva BiH u ovom postupku.

Obrazloženje

Ugovorni organ Tužilaštvo/Tužiteljstvo BiH putem konkurentskog zahtjeva za nabavku usluga osiguranja motornih vozila, na portalu Javnih nabavki dana 22.06.2017. godine objavio je konkurentski zahtjev za nabavku usluga osiguranja motornih vozila za potrebe Tužilaštva/Tužiteljstva BiH, Obavještenje o nabavci, broj: 435-7-2-499-3-3/17.

U skladu sa Odlukom o pokretanju postupka javne nabavke sačinjeno je Obavještenje o nabavci: 435-7-2-499-3-3/17 od 22.06.2017. godine koje je objavljeno na Portalu javnih nabavki dana 22.06.2017. godine. Shodno tekstu obavještenja i konkurentskog zahtjeva krajnji rok za podnošenje ponuda je 04.07.2017. godine do 12,00 sati. Nakon isteka roka za podnošenje ponuda, u 12,15 sati održano je javno otvaranje ponuda na adresi ugovornog organa i tom prilikom je sačinjen Zapisnik sa otvaranja ponuda.

U postupku po zapisniku o otvaranju ponuda je utvrđeno da je Komisija za provođenje postupaka javnih nabavki TBiH za 2017. godinu, blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajući zapisnik, u kojem je utvrđeno sljedeće:

- da je ukupan broj pristiglih ponuda 5 (pet);
- da je blagovremeno zaprimljeno 5 (pet) ponuda.

Shodno Zapisniku sa otvaranja ponuda utvđuje se da je pristiglo 5 (pet) ponuda:

1. RO 7/17 D.D. za osiguranje Camelija Bihać, 03.07.2017. u 9,25 sati
2. RO 10/17 Sarajevo-osiguranje d.d., 03.07.2017. u 15.07 sati
3. RO 11/17 Zovko osiguranje, Žepče, 04.07.2017. u 9,35 sati
4. RO 12/17 Bosna Sunce osiguranje, Sarajevo, 04.07.2017. u 10,15 sati
5. RO 13/17 Euroherc osiguranje d.d. Sarajevo, 04.07.2017. u 10.45 sati

Nakon izvršenog otvaranja, Komisija je utvrdila da ponuda broj RO 12/17 Bosna Sunce osiguranje, Sarajevo, nije potpuna i ne ispunjava zahtjev iz konkurentskog zahtjeva 4.2 koji glasi: " Ugovorni organ od ponuđača zahtjeva i kopiju ponude, koja se dostavlja zajedno s originalnom ponudom, pri čemu se jasno naznačava „original“ i „kopija“ ponude“.

Nadalje, imajući u vidu da je Komisiji u međuvremenu dostavljena zvanična informacija od strane stručne službe koja se tiče podataka vezano za primjenu Uputstva za primjenu odredbi o bonusu-malusa u osiguranju od automobilske odgovornosti, prije upuštanja u rangiranje dostavljenih ponuda, pribavljenu informaciju uporedila je sa podacima iz objavljenog konkurentskog zahtjeva za nabavku usluga osiguranja motornih vozila za potrebe TBiH, te odgovorom kojeg je dana 27.06.2017. godine u 09,10 sati dao registrovani operater ugovornog organa, kojom prilikom je konstatovano sljedeće:

1. u konkurentskom zahtjevu nisu dati posebni podaci koji se tiču odredaba Uputstva o primjeni bonusa-malusa što implicira da ni jedno vozilo za koje se nabavljaju usluge osiguranja ne ostvaruje pravo bonusa niti podliježe primjeni malusa.
2. na pitanje d.d. za osiguranje Camelija Bihać da se daju precizni podaci neophodni za primjenu Uputstva registrovani operater TBiH dao je sljedeće podatke: "Poštovani, obavještavam vas da je visina stečenog bonusa kod AO 50%, za vozila pod rednim brojem od 01. do 10. računajući i redni broj 10. Za vozila pod rednim brojem 11., 12. 13. i 14. nema stečenog bonusa“.
3. iz podataka koji su naknadno zvanično dostavljeni Komisiji, od strane stručne službe proizilazi: da vozila pod rednim brojem 11., 13. i 14. nisu prouzrokovala štetu trećim licima u prethodnoj godini, kada su prvi puta registrovana, što implicira da navedena vozila u ovom postupku javne nabavke usluga osiguranja imaju pravo na bonus od 10%. Nadalje, iz dostavljene informacije od stručne službe proizilazi da je vozilo navedeno u konkurentskom zahtjevu pod rednim brojem 1. u kalendarskoj 2016. godini sudjelovalo u saobraćajnoj nezgodi, međutim ne postoje podaci o uzročniku ove nezgode, odnosno da li se navedeno vozilo smatra štetnikom, u kom slučaju bi pravo na bonus prilikom osiguranja, po ovom tenderu, iznosilo 35% što je podatak koji je različit od odgovora datog putem portala e-nabavke.

Nadalje, u pogledu vozila pod rednim brojem 12. i 14. iz konkurentskog zahtjeva, stručna služba nije se mogla precizno izjasniti o bonusu koji su navedena vozila ostvarila prilikom prethodnog osiguranja (u rubrici popust/bonus, po polici dostavljene tabele navedeno je: „0 ili 10%“), što takode predstavlja podatak bez kojeg nije moguće provesti zakonit postupak javne nabavke.

Slijedom prethodno citiranog, Komisija je zaključila da ni jedna od primljenih ponuda nije prihvatljiva, što je razlog za obavezno poništenje postupka javne nabavke shodno odredbi člana 69. stav 2. tačka d) Zakona o javnim nabavkama. Sadržaj konkurentskog zahtjeva u suprotnosti je sa

odredbom člana 3. (opći principi) i člana 53. stavovi 1. i 3. tačke c) i d), što je uzrokovalo neprihvatljivost svih dostavljenih ponuda, a u konačnici i poništenje postupka.

Imajući u vidu navedeno, na osnovu utvrđenog stanja ispunjeni su uvjeti iz odredbe člana 69. stav 2. tačka d) Zakona o javnim nabavkama, pa je odlučeno kao u dispozitivu.

POUKA O PRAVNOM LIJEKU: Protiv ove odluke može se izjaviti žalba URŽ-u putem ugovornog organa u roku od 5 (pet) dana od dana prijema.

